



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

58 An, cessante causa priuilegij, cessen priuilegium.

urn:nbn:de:hbz:466:1-39888

Q V A E S T I O L V I I I .

An cessante causà Prinilegij, cesseret Prinilegium.

C A S V S .

EPISCOPVS Albanensis, accepto mandato ad dispensandum cum Titio in irregularitate, propter Parentum paupertatem; illum ad ordines dispensauit. Antequam tamen Titius Ordines susciperet, eius Parentes, per obitum cuiusdam Consanguinei, pinguem hæreditatem adepti sunt; post quam, ipse Ordines suscepit. Quæritur; Vtrum eos licite suscepit.

S V M M A R I V M .

- 2 Cessante causa finali dispensationis, cessat dispensatio.
- 3 Aliquando tamen non cessat.
- 4 Pidetur cessare, quando ad effectum ultimum perducta non est.
- 5 In Iure, gratia revocatur, cessante causa.
- 6 Consetur concessa, sub tacita conditione, si causa subsistat.
- 7 Etiam lex cessat, cessante causa.
- 8 Et dispensatio ad carnes comedendas, cessante infirmitate.
- 9 Duo dantur genera obligationum.
- 10 Et duo genera causarum ad dispensandum.
- 11 Dispensatio ad Ordines, ob paupertatem, non cessauit, etiam cessante paupertate.
- 12 Tota causa, erat tunc, cum fuit concessa dispensatio.
- 13 Causa temporalis, potest esse sufficiens ad dispensationem perpetuam.
- 14 Dispensatio, est species quadam donationis.
- 15 Alia est conditionata, alia absolute.
- 16 Dispensatio ad matrimonium, ob paupertatem, cessante paupertate non amittitur.
- 17 Cessante causà, cessat dispensatio, quando causa est successiva.
- 18 Dispensatio absoluta, manet etiam eius causà cessante.
- 19 Cur facilius cesseret priuilegium, quam Lex.
- 20 Dispensatio concessa dependenter à causa futura, cessat causà cessante.
- 21 Dispensans ad matrimonium, ob incontinentie periculum, aliud matrimonium inire potest.
- 22 Dispensaciones absolute concessa, non cessant, nisi reuocentur.
- 23 Quæ dispensatio, cessante causà, cesseret.
- 24 Causa dispensationis, in dubio, presumpitur non cessasse.
- 25 Usus dispensationis, ex circumstantia superueniente, impediri potest.

RATIONES DVBITANDI.

Certum est primò; Cessare dispensationem, si cesseret eius causa finalis, an-

antequam dispensatio sit integrè concessa, quia cessat intentio Concedentis; hic enim intendit dispensationem concedere solum ob illam causam, siue, si illa causa subsistat, & non aliter; ideoque dat mandatum ad dispensandum, solum sub conditione; si preces veritate nitantur. Vnde, si Pontifex committat Episcopo facultatem dispensandi Titium in irregularitate ad Ordines suscipiendos, propter paupertatem; sed interim, antequam Episcopus dispenset, Titius ad pinguorem fortunam veniat, Episcopus, illum dispensare amplius non potest quia paupertas, quæ erat iusta dispensandi causa, iam cessauit; Pontifex autem non concessit Episcopo facultatem dispensandi, etiam cessante iusta causâ dispensationis; Non enim præsumitur, voluisse Episcopo facultatem dare ad id, quod ipse licet præstare non poterat; Ipse autem licet dispensare non poterat sine iusta causâ.
Sanchez lib. 8. matr. d. 30. n. 8.

3. Certum est secundò; Non cessare dispensationem, etiam si cesseret eius causa finalis, postquam dispensatio est integrè concessa, & suum ultimum effectum adepta, quando eius effectus non habet tractum successuum, sed est momentaneus. Si enim, tempore absolutionis ab excommunicatione, vel dispensationis ab irregularitate, aut Voto, aut aliquo impedimento dirimente, vel non dirimente, vera fuit causa allegata, etiam si postea cesseret, non propterea cessat absorlution, vel dispensatio; Tum quia *ex reg. 73. de reg. iuris in 6. factum legitimè, retractari non debet, licet casus postea eveniat, à quo non potuit inchoari.*

R. P. Beati Lib. II.

Tum quia effectus iam consummatus, & completus, non pendet à causa concessionis; hæc enim ad eius solum productionem fuit necessaria, non vero ad eius conseruationem; Vnde, si quis centum donavit Amico, ob paupertatem, in qua, tempore donationis degebatur, quamvis postea Amicus ad pinguorem fortunam veniat, non propterea cessat donationis; &, si cum Irregulari dispenseatur ad Ordines ob paupertatem, quamvis hic postea, ordinibus susceptis, diues fiat, non propterea cessat, nec cessare potest dispensatio, quia iam habuit suum effectum consummatum, & grauissima alias sequerentur inconvenientia, si cessaret; Sienim, cessante causâ dispensationis in irregularitate ad omnes Ordines obtente, cessaret dispensatio, postquam Dispensatus Subdiaconatum iam suscepit, itavit ad ulteriores Ordines ascendere non posset, ad rem nimis difficilem cogereatur; esset enim iam ligatus, nec retrocedere valeret à statu assumpto. Idemque contingere, si quis, obtenta dispensatione in Voto castitatis ob carnis tentationes, post contractum matrimonium, cessantibus temptationibus, Votum seruareteneretur, quantum posset, debitum non petendo; vel enim discedere deberet ab Vxore cum maximo Filiorum detrimento; vel in matrimonio, sine magno salutis periculo, permanere non posset
Sanchez num. 10. Bonac. disp. I. quest. 2. pun. 10. §. 1. n. 11.

Difficultas ergo solum est, an cesseret dispensatio, quando totaliter cessat eius causa finalis, antequam ad effectum ultimum perducta sit; ut accidit in casu

Nn pro-

proposito; in quo paupertas cessauit, antequam Titius Ordines sumeret. Et quidem, videtur cessasse, ita ut Titius, illà validè, ac licet ut non potuerit ad Ordines suscipiendos. Sanchez lib. 8. matri. disp. 30. num. 14. plures referens, & Bonac. disp. 1. de legib. quest. 2. pun. 10. §. 1. num. 5.

Primò; Quia in cap. Generaliter 16. quest. 1. & in cap. Tua; de Cler. non resid. & cap. Abbas in fine de verbis signific. reuocatur gratia, & priuilegium, cessante causa. Ergo ad durationem dispensationis, requiritur duratio causæ.

Secundò; Quia Superior, censetur semper velle dispensationem concedere solùm sub tacita conditione, si causa permaneat; Sicut cum concedit mandatum dispensandi, illud semper sub hac conditione concedit (si preces veritate nitanuntur;) alioquin, si velleret dispensationem ad eum casum extendi, quo causa omnino cessaret, iniquus esset Dispensator; Vnde in L. Facto ff. De vulgar. & pupill. subst. deciditur. Priuilegium Patri concessum substituendi alium Filio furioso, cessare, si Filius iterum ad mentem redeat, quamvis priuilegium, iam esset ad effectum deductum; quia, inquit textus: Iniquum incipit fieri beneficium Principis, si adhuc id valere dicamus; Auferret enim homini sanæ mentis, testamenti factionem. Cum ergo eodem modo, cessante causâ dispensationis, incipiat esse iniqua dispensatio, ut potest, quæ sine illâ causâ hominem eximit à iure communi, vel naturali diuino, consequenter cessabit, quoad effectum, qui sine inconuenienti reuocabilis est; vt est in casu præsentí, promotio ad Ordines. Ne-

que enim credendum est, velle Dispensantem peccare, intendendo, ut dispensatio vim habeat, etiam dum est illicita, aut iniqua.

Tertiò; Quia, cessante causa legis, cessat lex, eiusque obligatio. Ergo à fortiori, cessante causâ dispensationis, cessabit dispensatio; facilius enim tollitur priuilegium, ac dispensatio, quod estius extraordinarium, ac speciale, quam lex, quæ est ius commune. Si ergo ius commune cessat, cessante causa, vt omnes concedunt, à fortiori cessabit priuilegium, ac dispensatio; Hæc enim, non habet tantam firmitatem, facilius quereuocari potest, quam ius commune.

Quartò; Quia dispensatio in esu carnum in Quadragesimâ, ob certam infirmitatem, cessat, cessante infirmitate, quæ fuit causa dispensationis; absurdum enim videtur, vt is, cum quo est dispensatum ob debilitatem dubiam, & quæ ex se, seclusa dispensatione, non excusat, carnes eodem modo comedere possit, quamvis perfectam sanitatem recuperauerit. Ergo eodem modo, dispensatio irregularitatis, cessante eius causâ, cessauit.

NOTABILIA.

Aduerendum est primò; cum Dispensatio, nihil sit aliud, quam exemptio à legis obligatione; duo dati genera obligationum: Aliquæ enim sunt veluti momentaneæ, & indissimiles, quia totæ simul, & per unicum actum, integrè contrahuntur; vt obligationes Voti,

Voti, irregularitatis, excommunicatio-
nis, & aliorum impedimentorum; Hæ
enim, per vnicum actum, totæ simul ac-
quituntur. Aliquæ vero; sunt diuisibili-
es, & successivæ, quia contrahuntur
per partes, vna post aliam; vt obligatio
ieiunij, officij, & aliæ similes; obliga-
tio enim ieiunandi, vel officium recitan-
di hodie, est diuersa ab obligatione ieiun-
andi, vel recitandi cras, & vna ponitur
successivæ post aliam.

10 Aduertendum est secundò; Dari simili-
liter aliquas causas dispensandi, quæ in-
tegrè, & ad æquatè existunt tunc, quan-
do conceditur dispensatio; vt, cum Pon-
tifex dispensat in Voto Castitatis ob car-
nis stimulos, vel in impedimentoo matri-
monij ob paupertatem, vel in pluralitate
beneficiorum, ob munus, quod quis
tunc gerit; In his enim casibus, adest in-
tegra causa dispensandi, quando dispen-
satio conceditur; Nam dispensatio in Vo-
to Castitatis, conceditur ob tentationem
præsentem, non ob præteritam, vel ob
futuram; Similiter, dispensatio in im-
pedimento matrimonij, conceditur ob
paupertatem, quæ de præsenti existit,
non ob illam, quæ fuit, aut erit. Ali-
quas vero dari, quæ non sunt totæ tunc,
cum conceditur dispensatio, sed partim
sunt de præsenti, partim de futuro; vt,
cum Pontifex dispensat in carnium come-
stione propter dubium infirmitatis, vel in
officij recitatione propter imminentes oc-
cupationes; in his enim casibus, causa
dispensationis, non integrè existit tunc,
cum conceditur dispensatio, sed suc-
cidit, sicut succedit ipse usus dispensatio-
nis. Nam Pontifex, hoc mense in offi-

cij recitatione dispensat propter occupa-
tiones huius mensis, nec propter istas,
dispensare potest pro mense sequenti, cum
occupationes huius mensis, parum deser-
viant ad honestandam officij omissionem.
mense sequenti. His positis.

RESOLVTIO.

AD Casum Respondetur; Dispensa-
tionem Titio concessam ad Ordines
suscipiendos ob paupertatem, non ces-
sasse, quamvis cessauerit eius paupertas;
ideoque licet Titium Ordines suscepisse.
Suarez lib. 8. de legib. c. 30. num. 12. Sa-
las disp. 2. sect. 6. n. 67. Eman Sà, v. Gra-
tia, num. 6. Silvester v. Dispensatio quaest.
6. Gutierrez lib. 1. cum quaest. cap. 15. n. 22.
& lib. 2. num. 30. & alij apud Sanchez
lib. 8. disp. 30. n. 13. qui hanc opinio-
nem affirms esse probabilem, licet ipse
contraria sequatur. Menoch. de præ-
sumpt. lib. 4. præsumpt. 189. num. 197. &
alij communiter.

Primò; Quia tota causa, ob quam **12**
Titio fuit concessa dispensatio, erat tunc,
cum fuit ab Episcopo dispensatus; Tunc
enim vere erat pauper. Sed causa, tunc
fuit sufficiens ad valorem dispensationis,
vt suppono. Ergo, quamvis postea cel-
sauerit, adhuc fuit sufficiens, parum e-
nim refert, quod postea cessauerit, vel
non cessauerit. Nam dispensatio fuit
concessa ob paupertatem tunc existentem,
non ob futuram, vel ob eius perseueran-
tiæ. Quamvis ergo non perseuerau-
rit paupertas, adhuc fuit validâ dispensatio.

Secundò; Quia potest causa tempo-
ralis, esse sufficiens ad dispensationem **13**

N n 2 per-

perpetuò, & absolute concedendam, eamque honestare potest; Summus enim Pontifex, de facto, non solum in ijs, quae sunt de iure humano, sed etiam in ijs, quae sunt de iure diuino, ac naturali, absolute, & in perpetuum aliquando dispensat; Ut, cum Virum aliquem Principem dispensat in Voto peregrinationis, vt negotium aliquod graue, ad Ecclesiarum statum pertinens, agat; vel, cum, propter incontinentiae periculum, dispensat in Voto Castitatis. In hoc autem casu: dispensatio non pendet in conseruari à causâ concessionis, ideoque ipsa etiam cessante non cessat.

14 Tertio; Quia per dispensationem legitimè factam, acquirit Dispensatus, ius utendi re sibi donata; Dispensatio enim est species quædam donationis. Sed ius semel per donationem quæsum, non revocatur per cessationem causæ, ob quam fuit facta donatio, vt per se patet. Ergo neque his, semel per dispensationem quæsum, revocabitur per cessationem causæ, ob quam fuit concessa dispensatio. *Menochius lib. 4. presump. 189. num. 197. Gutierrez lococitato.*

15 Quartio; Quia, si dispensatio concessa Titio, cessasset, cessante paupertate, tolleatur communis distinctio dispensationis, in absolutam, & conditionatam; Omnes enim dispensationes essent conditionatae; Nam dispensarent solum, quandiu causa duraret. Consequens autem videtur absurdum; Cur enim dari non possit etiam dispensatio absoluta, & nullius conditionis durationi alligata, cum non repugnet, dari causam temporalem, ac transiensem, quæ sit sufficiens ad honestandam concessionem aliquam, & dispensationem etiam perpetuam. Dispensatio autem ab-

soluta, est illa, quæ ob causam semel possum, in perpetuum conceditur, & consequenter, quæ remanet etiam causa cessante.

Quinto; Quia, si Mulier, ob paupertatem dispensetur in impedimentoo consanguinitatis, & antequam matrimonium contrahatur fiat diues, non propterea amittit dispensationem, nec eius usum, cum dispensatio, ei concessa non fuerit sub conditione, si paupertas toto tempore ante matrimonium perseverauerit, sed absolute; Vnde hoc à Contrahentibus non inuestigatur, esletque non leuis occasio scrupulorum, & aliorum incontinentium, vt optimè notat *Garzias par. 6. de benef. cap. 2. n 291.* Ergo etiam Titius, quamvis ante Ordinum receptionem, ad pinguiorem fortunam venerit, non propterea amisit dispensationem, ac ius ad Ordines suscipiendos; alioquin dispensatio, non fuisset absoluta, sed conditionata; Imo non fuisset dispensatio, siue relaxatio irregularitatis, sed suspensio.

OBJECTIONVM SOLVTIO.

Neque rationes in contrarium adductæ, nobis aduersantur; Hæ enim probant solum, cessare dispensationem, cessante causâ, quando concessio dispensationis, requirit causam successivam, ac ipsi dispensationi commensurataam quod nos non negamus. Vnde ad primam Respondetur; In cap. Generaliter; Concedit priuilegium immunitatis omnibus Ecclesiasticis, qui apud Ecclesiás, vel Monasteria permanent non diuagantes. Hoc autem priuilegium, est conditionatum, & habet causam successivam, scilicet permanentiam

nentiam in Ecclesijs, aut Monasterijs. Si similiter *in cap. Tuæ*; conceditur Canoniceis, studiorum causà, ut etiam in absentia, fructus præbendarum percipliant; quod priuilegium, est similiter conditionatum, & habet causam successiuam, scilicet assistentiam in studijs. Denique *in cap. Abbates*; conceditur Cœnobio S. Bertini, vt ex illo, Alciatenses Monachi, sibi eliant aliquem in Abbatem, quandiu obseruantia regularis ibi viguerit; quod priuilegium, est etiam conditionatum, & dependens à viridi obseruantia, quæ est causa successiva.

18 Ad secundam, Negatur Antecedens, præter dispensationem enim conditionalem, admittenda est etiam absoluta, vt patet ex dictis. In huius autem concessione, intentio Concedentis est, vt dispensatus illa vtratur, etiam cessante causa, ob quam fuit concessa; Neque per hoc peccat Concedens, cum concedat ob causam legitimam, quam tamen non necessè est semper existere, quandiu durat dispensatio. Similiter neque vtrere sibi legitimè concessa; Priuilegium autem substituendi alium Filio furioso, cessat, si Filius ad mentem redeat, quia ex subiecta materia constat, fuisse conditionale, si videlicet Filius in furore usque ad mortem permaneat alioqui, vt recte ibi dicitur, iniqua esset substitutio.

19 Ad tertiam Respondeatur; Facilius quidem cessare posse priuilegium, ac dispensationem, quam legem; Tum quia, illa facilius reuocari possunt à Principe; Tum quia, oriti potest aliqua circumstantia, quæ eorum usum impedit. Ex hoc tamen non sequitur, illa cessare debere ex

omni causâ, ex quâ cessat lex; Nam lex cessat, cessante eius causa finali adæquata, quia tunc redditur omnino inutilis, nec Subditos ad obseruantiam legis omnino inutilis obligare, æquum est. At dispensatio, ac priuilegium, etiam cessante eorum causâ, sunt utilia Priuilegiato, & aliunde Priuilegiatus, ad eorum usum non obligatur.

Ad quartam, Negatur consequentia; 20 Cum enim dispensatio in usu carnium, concessa fuerit dependenter à causâ futura, non mirum, si, cessante tali causa, cessa-
set. At dispensatio in irregularitate, fuit Titio absolute concessa ob paupertatem presentem, non vero ob eius persenerantiam in futurum. Hinc ergo sit, vt, etiam cessante paupertate, ipsa non cessa-
uerit.

COROLLARIA.

Colligitur ex dictis primò; Eum, qui ob incontinentia periculum, dispensationem obtinuit in Voto Constitutis, aut Religionis ad matrimonium contrahendum; primo matrimonio dissoluto, aliud matrimonium, etiam cessante incontinentia periculo, intrare posse; Quia praesens in continentia periculum, videtur causa sufficiens ad absolute dispensandum; alioqui non esset dispensatio, sed suspensio à Voto obligatione; Dispensatio autem semel absolute obtenta, non cessat, etiam si cesseret causa, ob quam fuit concessa, vt patet ex dictis. Idemque dicendum est de dispensatione semel legitimè obtenta in aliquâ lege humana, vel diuina; vt in iuramentis; Nam haec etiam, si sit absolute concessa, cessante eius causâ, non cessat,

Nn 3 cum

cum ab illâ non pendeat in conseruari, sed solum in fieri; Et hoc à fortiori valer, cum dispensatio obtinetur ab ipso Legislatore, vel eius Successore, aut Superiori; Nam hic, in propriâ lege, validè dispensare potest, etiam sine causâ, ut patet ex dictis.

22 Secundò; Dispensationes absolue concessas, cessare non posse, ipso facto, sed indigere reuocatione ad hoc, ut cessent; H  bent enim rationem donationis, qu   non cessat, nisi reuocetur. Imo aliqu   ex ipsis, nec reuocatione cessare possunt; omnes enim ill  , qu   consistunt in remotione alicuius impedimenti, semel concessa, reuocari non possunt, quia impedimentum per illas sublatum, redire amplius non potest; neque enim redire potest excommunicatio semel per absoluti  m sublata neque irregularitas, aut Votum, sine voluntate Vouentis, ut docent Menochius lib. 4. presump. 189. nn. 197. Suarez lib. 6. de legib. cap. 30. n. 4. Sanchez lib. 8. disf. 30. n. 10.

23 Tertiò; Dispensationem, quando eximit ab obligatione diuisibili, & successiva, & propter causam similiter diuisibilem, ac successivam; cessante causâ, cessare; quia eximit ab obligatione solum sub conditione, quandiu fuerit causa, & cum obligatio sit multiplex, multiplex etiam causa, ad illius exemptionem, requiritur, ut patet in Officij recitatione, qu   singulis diebus, nouam caulam requirit, cum sit noua exemptio, nec pr  sens infirmitas, sit causa sufficiens concedendi per-

peruam dispensationem inieiunio. Suarez lib. 8. cap. 30. n. 18.

Quartò; Cum dubitatur; An causa dispensationis conditionat  , cessauerit; pr  sumi semper non cessasse, & consequenter dispensationem adhuc esse validam. Tum quiz, possessio stat pro dispensatione, quam constat valid   fuisse concessam. Tum quia, cessatio, in dubio, non pr  sumitur, nisi probetur, cum sit dubium facti. Tum demum, quia in dubio, an sit valida dispensatio, iudicanda est valida, eo quod in dubio, in favorem valoris actus, iudicandum sit, ut magis valeat, quam pereat, ut habetur cap. Abbate: de verbor. signific. Sanchez lib. 8. disput. 21. num. 25. Ergo à fortiori, de illius valore pr  sumendum est, si semel constituit de eius valore, & dubium postea suboriatur, an, ob caus   cessationem, cessauerit, Sanchez lib. 8. disput. 30. num. 9.

Quintò; Quamvis dispensatio absolu. t   concessa, non cesserit, cessante eius causa; eius tamen usum impediti posse ex aliqu   circunstantia superueniente, qu   eius usum reddat iniquum; Si enim usus iniquus est, licitus esse non potest. Tunc tamen, dispensatio non extinguitur, sed potius suspenditur, ac quasi sopitur; quia, remot   illa circunstantia, iterum eius dispensationis usus, est licitus. Arg. cap. Abb. de verbor. signific. Suarez lib. 8. c. 30. n. 22. Sanchez lib. 8. disput. 30. n. 17.

L A V S D E O.

IN.

